

思濟堂方書

二



思濟堂方書卷之二



宛平賈邦秀升安氏校著

遼海姜國璜信侯氏仝訂

火證

辨治方藥大畧

五行各一惟火有二曰君火曰相火經所謂一

水不能勝二火况二火之外又有五志之火如

大怒不休盡力謀慮則火起於肝飲食不節思

想太過則火起於脾悲憂無常言多語快則火

起於肺房勞太過驚懼恐怖則火起於腎凡有



過勞皆能動火心爲君主輕不受邪受邪則自
焚而死矣凡心君諸病皆膻中受之經曰膻中
者臣使之官喜樂出焉七情之氣皆傷包絡以
其位近君主包護心神故也雖云如此之多火
當分輕重虛實而治方能取效輕者可清可降
重者從其性而升之虛者可補而實可瀉治火
之法無遺漏矣輕清者宜瀉心湯降濁者宜涼
膈散重者如升陽散火湯虛者如桂附地黃湯
實者如大承氣湯之類是也

瀉心湯

清心胃大熱療包絡火邪

川黃連

三錢
酒炒

大黃

二錢
酒洗

黃芩

一錢半
酒炒

水煎食遠溫服

涼膈散

治臟腑積熱口舌生瘡煩躁多渴二便秘結退

諸經鬱熱瀉六經實火

連翹

四錢
去心

山梔仁

大黃

酒洗

黃芩

各二錢
酒炒

薄荷葉

朴硝

桔梗

淡竹葉

甘草

各一錢

如火盛極加川連一錢去桔梗水煎臨服加紅

蜜二錢調服

升陽散火湯

治男婦四肢發熱肌熱筋骨中熱如火燎捫之
烙手此病多因血虛得之或胃虛過食冷物抑
遏陽氣於脾土經所謂火鬱則發之此方是也

升麻

葛根

獨活

羌活

防風

各八分

人參

五分



白芍一錢
酒炒

甘草生三分
炙三分

水煎稍熱服

桂附地黃湯

治命門火虛不能生土以致脾胃虛寒飲食少

進大便不實臍腹疼痛夜多旋溺或腳氣上攻

消渴引飲面赤煩躁昏夜不寧等證並皆治之

大熟地六錢

山藥三錢
炒

山萸肉二錢四
分

丹皮

正白苓各一錢
八分

澤瀉一錢二分

桂心一錢

熟附子一錢

水煎空心溫服

養葵趙氏曰君子觀象於坎則知腎中具水火之用今人入房而陽事易舉者陰虛火動也陽事先痿者命門火衰也是方也壯水益火水火得其養則腎氣復矣又命門之火乃水中之陽夫水體本靜而川流不息者氣之動火之用也然火少則生氣火壯則食氣故火不可亢亦不可衰經云火生土者卽腎家少火遊行其間以息相吹耳



又治脚氣上攻消渴引飲此聖藥也如消渴病
飲水一斗小便亦一斗此腎氣不能攝水小便
恣出源泉有立竭之勢故急用以逆折其水也
夫腎水下趨之消腎氣不上升之渴非用此以
蟄護封藏蒸動水氣舍此從何治哉

大承氣湯

方見傷寒門

治積熱上攻頭疼目赤牙痛口瘡咽喉腫疼心
胃脹滿作痛或成結塊或日晡潮熱口渴譫語
大便結燥小水赤澀等證並皆治之得通利止



後服

諸藥小水未盡善益並皆留之野獸味土

胃通流非能如如諸藥如以能降痰中留諸藥

宜盡熱土文能熱日表天能口能開通熱藥如

大車炭藥

藥門

火衣也是方也壯水益水水衣

諸藥挂藥蒸腫本藥食此藥何能造水中之藥

夫胃水不熱之能得底不土長之能事其生以

新出而聚在玄微之藥諸藥以並其本也

於水一也小則在一也其胃底不排藥水小也

又前服藥土文能熱日表天能口能開通熱藥如

瘟疫

方隅古今不同治法亦異

夫瘟疫者乃衆生之劫運也此證起於大兵大荒大饑之後人多暴亡其穢氣上升觸其清氣升久必降從人口鼻而入伏於膜原之間故病則俱病也如明朝之疙瘩瘟本朝之青腿牙疳瘟是也其病必不多見至於常疫年年有之在方隅有輕重在人畜有異別如猪瘟死猪雞瘟死雞推之於人何獨不然昔以爲非其時而有其氣有其氣者謂春應溫而反寒夏應熱而



反涼秋應涼而反熱冬應寒而反溫得非時之
氣長幼之病相似以爲疫余論則不然夫寒熱
溫涼乃四時之常因風雨陰晴稍爲損益假令
秋熱必多晴春寒因多雨較之亦天地間之常
事未必多疫也疫者感天地之厲氣中而卽病
者感之深而中氣弱也其感之淺者邪不勝正
未能卽發或遇饑飽勞役憂思氣怒正氣被傷
而邪氣始張榮衛運行之機乃爲之阻塞不通
鬱而爲熱其熱淫之氣浮越於太陽則發熱惡



寒頭項強痛無汗脉疾如浮越於陽明則有目
痛眉稜骨痛鼻乾不眠脉則洪大如浮越於少
陽則有脇痛耳聾寒熱往來嘔而口苦其脉多
弦大槩觀之邪越太陽居多陽明次之少陽又
其次也邪之所着有天授有傳染所感雖殊其
病則一凡人口鼻之氣通乎天氣本氣充滿邪
不易入本氣適逢虧欠外邪因而乘之昔有三
人冒霧早行空腹者死飲酒者病飽食者不病
疫邪所着又何異也故治法未病先服芳香之



藥節勞碌調飲食避風寒忌房事仍勿忍饑而
近其氣自不傳染以病逐污穢破邪氣扶正氣
使邪離膜原而病自散矣宜加減達原飲三消
敗毒飲代天宣化丸既濟解毒湯擇而用之

達原飲

正堅栝榔

二錢半
碎

厚朴

蒼朮

各二錢
炒

草果仁

知母

赤芍

各一錢半

黃芩

二錢
酒炒

甘草

五分

水煎溫服



按枳櫛能消能磨除伏邪爲疏利之藥又除嶺
南瘴氣厚朴破戾氣所結草果辛烈氣雄除伏
邪盤踞再加蒼朮扶正祛邪蕩除穢氣四味協
力直達其巢穴使邪氣潰散速離膜原是以達
原爲名耳熱傷津液加知

陰熱傷營氣

加芍藥以和血黃芩清熱甘草爲和中

之用凡疫邪遊溢諸經當隨經引用以助升泄
如頭項疼腰脊強發熱無汗惡寒脉浮緊而疾
者此邪溢於太陽經也本方加羌活二錢如眼



脹頭疼鼻干心煩不得眠者脉必洪大此邪溢
於陽明經也加葛根二錢如寒熱往來嘔而口
苦耳聾脇疼脉來弦者此邪溢於少陽經也加
柴胡二錢如三陽證俱現表裏俱急者加大黃
二錢半酒洗名三消敗毒飲

三消敗毒飲

卽前達原飲加羌活柴胡葛根大黃

引加生薑一錢水煎溫服

余嘗以三消飲變丸加朴硝減半水丸梧子大

雄黃青黛爲衣每服三錢淡薑湯送下小兒減
半治一切瘟疫皆效更治暴發眼疾赤腫疼痛
及瘡癰瘡痢凡有餘新疾無有不效 虛弱久
病禁服

代天宣化丸

黃連

戊癸年
爲君

黃芩

乙庚年
爲君

黃柏

丙辛年
爲君

人中黃

甲巳年
爲君

山梔

丁壬年
爲君

川大黃

酒洗

蘇葉

佐

升麻

使

牛蒡子

臣
酒炒

凡值年爲君之藥用三兩爲臣二兩爲佐一兩

五錢爲使一兩大黃不拘何年必用三兩共爲
細末冬至日雪水爲丸如梧子大硃砂雄黃芒
硝青黛金箔爲衣每服二錢半薑湯送下假如
戊癸年以硃砂爲衣丁壬年以青黛爲衣餘四
味各五錢田赤金箔五十張入在藥內爲丸服
之

既濟解毒湯

治積熱上攻頭面項耳腫痛名大頭瘟又治蝦
蟆瘟等證

